

摘藻堂四庫全書薈要

史部

欽定四庫全書薈要

史部

十國春秋卷七十八

詳校官員外郎臣楊世綸

欽定四庫全書薈要卷八千六百四十四

史部

十國春秋卷七十八

檢討吳任臣撰

吳越二

武肅王世家下

天寶元年春正月遣兵攻淮南甘露鎮以救信州梁勅

改臨安縣為安國縣廣義鄉為衣錦鄉

按舊五年改臨安縣

安縣廣義鄉為衣錦鄉

夏六月梁授王檢校太

師守中書令增食邑一千戶實封一百戶秋八月梁勅

改唐山縣為吳昌縣

歐陽文舉地唐興縣

唐興縣為天台縣

順存

錄云開平三年改唐興為新興今從吳越備史

又勅升杭越等州為大都督府

王遣寧國節度使王景仁奉表詣大梁陳取淮南之策

梁主問進奏吏曰錢王平生有所好乎吏曰好玉帶名

馬梁主笑曰真英雄也乃以玉帶一匣打毬御馬十匹

賜王是月復改新城縣曰新登長城縣曰長興樂成縣

曰樂清避梁諱也九月梁授鎮東軍節度副使成及為

保大軍節度使同平章事副使餘如故淮南將周本呂

師造攻蘇州王命從弟鋸討之是月張仁保襲取常州

之東洲淮南以陳璋為水陸行營都招討使率柴再用

等將兵來救仁保敗績于魚蕩復失東洲梁封故隋司

徒陳仁果為福順王

仁果常以陰兵助王王崇報之請封于梁且令諸州皆立廟祭東京

南雙廟記作福順賢德王他書又作福順武德王

王改吳山紫極宮為真聖觀

一云乾符中建真聖觀王改兩浙老君廟

是歲王以中原喪亂改元天寶私

行于境中既而復通中國或諱而不稱

天寶二年夏四月梁授王守太保增食邑二千戶實封

二百戶是月淮南兵圍蘇州守將孫瑛拒之甚力王命

弟牙內指揮使鏢

五代史云鏢其弟錫鏢校之

行軍副使杜建徽江

海遊奕都虞候何逢司馬福等率師救姑蘇內外夾攻

生擒淮南將何朗閭丘直等凡三千餘人獲兵甲生口

三十萬戰船二百餘艘周本呂師造等夜遁又追敗于

皇天為五月甲寅王親巡蘇州遣其將梅世忠李開山

屯兵于許浦之上游封故唐曹王明為昭靈侯

明為唐昭王

是月丁巳明州刺史黃晟卒

辛酉王自蘇州復如東府辛巳巡明州因城望海鎮

一作

定海鎮

命子

開

珎為明州制置使信州危仔倡為其下應

淮人而叛遂奔於我王以為淮南節度副使更其姓曰

元氏六月壬寅王發明州梁遣刑部尚書姚洎

錢氏家
兼作相

禮部員外郎羅衮授王吳越王冊禮

冊文曰皇帝若曰
迪者有唐告終王

政曰余歸寺觀常于內處

紀順丁

列鎮張膽而相

攻大臣門心而無惜惟思家族皇恤朝廷朕起自兵戎

患節節度憂皇天之不弔因黎庶之倒懸誓眾興師為

民靖命東征西怨共俟我后來蘇軍食壺漿咸若厥用

鑒地竟以數州之力大剪諸國之鋒歷試諸嚴遂叨光

錫稽舜禹之禪法隋唐之教天步未艱人情日亂因高

民之思時族桀大以吠虎職具不共何所不至亦尚上
柱國吳起王錢鏐山川毓秀二五諸精以不世出之才
得奉戎土氣斬羅下之妖鳥不得鳴我王郊迨乎文碑
之初者遣宣諭之使頗知天命不反狂謀匪二國之
封爵契尊王之義今遣使金紫光祿大夫尚書上柱國
姚珣使副尚書禮部主客員外羅宸持節備禮贈土分
茅冊爾為吳越國王嗚呼車徒萬乘何謂之不可磨
即制三方何強梁之不可伏矧百粵及后駐蹕之地三
吳秦伯肇封之疆勾踐用之以親周夫差困之而駕晉
子賴秦之軍而挫荆楚計列國以平淮戎允為東海屏
藩永保中原重鎮毋姑息以收事毋誇大以墮功欽哉
其聽戊申王至自東府是役也王行次餘姚大亭鎮舟
湊巨石不能進既而大雨震電有二龍負王舟鎮遏使

翁元軻拽舟而進二龍自舩升焉秋閏八月梁授王守
太尉加實封二百戶制曰集非常之事必有挺非常之
才建第一之功必有居第一之位朕膺圖受命負宸開
階未常以真大尉之官輕於擬議大司闕之職易於簡
求蓋由其爵尊其任重不有英佐孰當異恩啟聖匡運
同德功臣淮南鎮海鎮東等軍節度使淮南浙江東西
等道管内觀察處置充淮南四面都統營田安撫兼兩
浙鹽鐵制置發運等使開府儀同三司檢校太師兼中

書令杭越等州大都督府長史上柱國吳越王食邑一

萬五千戶實封一千戶錢鏐海岳騰英星雲誕秀契君

臣咸一之德有文武兼備之才宣慈惠和忠正廉毅敷

詩說禮樹百行於藩籬去暴除奸敵萬人於帷幄弼予

興運明乃嘉謨頃屬淮旻不賓王化自爾益封吳會無

鎮廣陵追擒每盡于隻輪覆溺連收其巨艦復聞奸宄

屢擾巡封謂天益高若水可恃爾又橫戈憤排獨力支

吾妙運神機大殲戎醜玄雲陣起雄風驅下瀨之師白

露園開沴氣散常州之化再安生聚重復土疆薛公之
三刺咸明漢主之一奇斯在况早攀鱗翼備見肺腸同
德同心二紀密叅於締構惟忠惟孝四方咸則於儀刑
苟非劇恩何以加賞是用鏤于彝鼎冊以輅車擬呂望
之尊崇正列侯之貴重仍加真食復寵兼官式是獎酌
且旌忠烈於戲進以正大易所以經邦慎厥終格言用
之居位勉思遵守克荷寵靈服予訓辭錫爾繁祉可守
太尉加實封二百戶餘並如故是月梁勅置蘇州吳江

縣明州靜安縣

一作望海縣
又改定海縣

從王請也冬十月湖州刺

史高澧貳于我遣其黨焚義和臨平等鎮王命弟鏢帥

師討之十一月乙酉發運使羅隱卒以蔣渙為温州刺

史

繼渙者為
李廣琛

是歲術者言安吉縣東有王氣王命鑿其

地忽四鵠飛出化為四龍賜名曰四龍湖命建雙仁祠

祀唐顏真卿以從父兄杲卿並饗王幸海鹽金粟寺令

寺僧設衆施茶

天寶三年春二月湖州刺史高澧導吳將李簡陳璋等

入其境都將盛師友沈行思閉城不納王遣子傳璚濟
師禦之吳人挾澧而遁三月癸巳王巡湖州命弟鏐為
刺史癸卯至自湖州五月奏改西府富陽縣為富春縣
東府暨陽縣為闕縣處州松陽縣為長松縣婺州浦

陽縣為浦江縣惡楊氏也

歐陽志輿地廣記云朱梁時楊氏據江淮於是吳越錢氏

上言以淮寇未平耻聞逆姓請改松陽為長松

又割湖州武康縣隸杭州秋七

月王表監軍宦者周廷詰已下二十五人於梁言其非

劉韓之黨乞原之

通鑑開平四年吳越王鏐表宦者周廷詰等二十五人唐末避禍於此非

劉韓之黨上曰此屬吾知其無罪但今革弊之初不欲
置之禁掖可且留於彼諭以此意今從吳起備史氏詰
詰作廷八月始築捍海石塘塘外植滉柱十餘行以折水

勢先是江濤洶湧板築不時就王于疊雪樓架強弩五
百以射潮既而濤頭趨西陵潮為頓歛遂定其基以鐵

絙貫幢榦用石棊之而塘成

昭勲錄云王築捍海塘怒潮急湍版築不就乃採山

陽之竹法天人造為箭三千隻羽以鴻鷖之羽師以丹
朱鍊剛火之鐵為鏃命強弩五百人以射濤頭人用六
隻每潮一至射以一隻射及五隻潮乃退東趨西陵餘
箭埋於候潮通江門濱鎮以鐵幢誓云鐵壞此箭出又
以大竹破之為龍長數十丈中實巨石取羅山木長
數丈植之橫為塘依匠人為防之制人以木立於水際

上片二九尺立九木作六重象易說未濟卦由是潮不能攻沙土斬漬岸益固也一統志云吳越王前所封止旋當立鐵幢因名鐵幢浦臨安志云初立幢時塘猶未成應潮漲幢用鐵輪護其址而以鐵紐貫幢幹且引紐維于塘上下之石捷然後實土築塘故幢首出此說為近之○貨寧傳載畧云先是江心有石即秦望山并橫截波濤中呼為羅刹石我國八月既望迎潮設祭必動衆鼓舞其上呼命呼鎮江石閘平辛未漸平沙漲遂作木閘圍頂今祭江亭是也○武林梵志曰武肅王築塘時致請于胥山祠仍為詩一章其末句曰為報龍王及水府錢江借取築錢城函鑰置海門山既而潮水避錢塘東擊西陵云

建候潮通江等城

門又置龍山浙江兩閘以遏江潮入河冬十月戊寅王親巡衣錦軍有鄰媼年九十餘攜壺漿迎王曰錢婆留

寧馨富貴王下車拜之王置酒高會父老男婦八十歲
以上者金尊百歲者玉尊王執爵上壽製還鄉歌曰三
節還鄉兮掛錦衣碧天朗朗兮愛日暉功臣道上兮列
旌旗父老遠來兮相追隨家山鄉眷兮會時稀今朝設
宴兮觥散飛斗牛無孛兮民無欺吳越一王兮駟馬歸
時父老不能解王復高揭吳音為歌舉坐賡之叫笑振
席丙戌王至自衣錦城湖州巡校將沈行思以罪伏誅
命湖州都將盛師友權婺州刺史是歲廣杭州城大脩

臺館築子城南曰通越門北曰雙門

按隋開皇九年建杭州府治于城風

山柳浦西唐因之吳越國治即在此後宋高宗以為行宮

錢塘富庶由是盛于東南

有何人夜署府門曰沒了期沒了期修城財了又開池

王出見之命易其句云沒了期沒了期春衣財罷又冬

衣士卒嗟怨者遽息是年梁追封王曾祖宣州旌德縣

令吏部尚書左僕射沛為洪勝王

錢氏家乘云沛字子

贈尚書檢校司空王愛陳氏子三曰思曰晃曰沛沛年七十八卒唐以武肅功贈禮部郎中加諫議大夫梁貞贈

尚書左僕射謚弘聖王今從吳越備史

曾祖妣童氏為齊國太夫人

錢氏家乘

云沛娶東苑童氏贈趙國太夫人建廟武林子二曰宇曰宙

祖太尉宙為建初王

錢氏

家乘云宙字遵古喜讀揚子太元卜筮于鏡山寂處時武肅已鵠起侍醫藥不脫帶竟終于錦軍城唐贈太府卿加太尉同中書門下平章事梁追謚建初王子一曰寬祖妣楚國太夫人水丘氏

為晉國九華太夫人考威勝軍節度推官職方郎中太

府少卿禮部尚書開府儀同三司守太師中書令寬為

英顯王

錢氏家乘作開平四年追贈太師謚英顯王

妣秦國太夫人水丘氏

為趙國太玄太夫人

錢氏家乘作乾化四年追贈太玄太夫人敕建三世祖

廟于安國衣錦軍

天寶四年春正月丙戌日有食之夏四月梁制命王守

尚書令兼淮南宣歙等道四面行營都統增食邑二千

戶實封一百戶又遣刑部侍郎李光嗣建王生祠于衣

錦軍仍勅翰林學士李琪為碑文從僚吏將校請也五

月朔梁改元乾化是月築松江南北二城鎖柵畢備秋

七月梁勅命淮南兩浙幕府將吏五百人並賜贊政安

國功臣冬十月辛亥朔湖州刺史王弟鏐酗酒擅殺防

戍指揮使潘良

一作

推官鍾安德遂奔吳是歲仁王廢

院掘地得大錢王以為瑞應命建大錢寺于其地設寶幢二又捨安國縣宅基為寺請額于梁曰光孝明因

天寶五年夏六月梁主遇弒郢王友珪僭位秋七月友珪遣刑部尚書李皎冊尊王尚父八月己丑城西陵是時改蘇州虎畛曰許墅避王名也國人謂石榴為金櫻留住為駐下改劉氏曰金氏留氏曰田氏

天寶六年春正月梁友珪改元鳳曆肆赦二月梁均王友貞舉兵誅友珪遂即位于汴京更名瑱復稱乾化勅

遣供奉官楊彥賓來宣諭三月梁授王尚父冊禮是月
吳行營招討使李濤率兵二萬自千秋嶺寇我衣錦軍
王命子湖州刺史傳瓘為北面應援使救之又命子睦
州刺史傳瑋為招討收復都指揮使攻東洲以分其勢
夏四月傳瓘伐木以斷吳兵遂擊之生擒李濤等八千
餘人傳瑋獲敵將李師愈姚延環等三千餘人而還是
月梁增王食邑三千戶實封二百戶五月吳宣州刺史
花虔會廣德鎮遏使渦信將復寇衣錦軍王子傳瓘將

兵討之六月師克廣德縣獲虔信及吏卒七千餘人以
歸辛卯彰義軍節度使檢校太尉兼侍中成及卒秋九
月王遣子傳瓘傳璫傳瑛攻吳常州營於潘封吳將徐
溫帥兵赴之與別將陳祐夾擊我軍傳瓘等大敗冬十
月梁加王子傳瓘開國爵邑乙酉大同軍節度使駙馬
都尉王子傳瑛卒王命子傳璫權蘇州刺史加封安國
縣神濟安侯為永定王

先是乾闥二年王奏乞追封
臨安晉虞府君為濟安侯

是

時築城屯戍于德清之憾山號曰奉國城又遣兵戍烏

程之東九十里曰烏戌

即烏鎮墩見鄭
蟠吳興鏡見錄

天寶七年夏六月梁授王子傳瓘開國侯食邑七月清
海軍節度使劉巖遣供軍巡官陳用拙奉禮幣請兄事
于王王納之是歲改温州橫陽縣曰平陽表封錢塘龍

君為廣潤龍王

累封靈淵
博濟侯

天寶八年春正月梁授王子傳瓘以下官爵有差甲午
王親巡衣錦軍二月梁遣給事中韋彖金部郎中李發
選王子傳珍為駙馬都尉閏二月己亥王至自衣錦軍

冬十一月乙丑梁改元貞明

吳越備史云壬辰朔改元大赦今從薛氏舊五代史

是時置都水營使以主水事募卒為都號曰撩淺軍亦

謂之撩清命于太湖旁置撩清卒四部凡七八千人常

為田事治河築堤一路徑下吳淞江一路自急水港下

澱山湖入海居民旱則運水種田澇則引水出田又開

東府南湖

即鑑湖

立法甚備

元知水人潘應武云錢王時于太湖旁置撩淺軍四部。

曾鞏開鑑湖說云南湖歷錢王鏐父子立法甚詳

天寶九年春正月梁授浙東營田副使常州刺史杜建

徽為涇源節度使夏五月遣浙西安撫判官皮光業自建汀虔郴潭岳荆南道入貢于梁秋七月梁加王諸道兵馬元帥梁臣多言王入貢利于市易不宜假以名器翰林學士竇夢徵至執麻而泣坐貶蓬萊尉冬十二月建浮圖于城南是歲王命子牙內先鋒都指揮使傅珣逆婦于閩自是與閩通好錢塘縣節度討擊副使方鉢造石幢于福慶庵

鉢同衆共造石幢一具鐫大佛頂尊勝陀羅尼咒於上其文畧曰布金設

像寶刹交輝土淨
曇生宛如佛國

是時婺州道士周某獻赤松澗仙米

于王王密遣張思敏按所產之地賜以紫衣金帛

米故仙種

止五十區穗重香濃鼠則野狐為之驅鳥則蒼鷹為之逐

天寶十年春三月梁勅授王子贊正安國功臣鎮海軍
北面水陸都指揮使金紫光祿大夫檢校太保守湖州
刺史大彭郡侯食邑一千戶傳璫贊正安國功臣鎮海
軍節度副使土客諸軍都指揮使金紫光祿大夫檢校
太保大彭縣開國侯食邑一千戶傳球贊正安國功臣
鎮東軍東面水陸安撫都指揮使光祿大夫檢校太保

守溫州刺史大彭縣男食邑三百戶傳璲贊正安國功
臣鎮東軍西面安撫都指揮使光祿大夫檢校太保守
睦州刺史大彭縣男食邑三百戶傳懿贊正安國功臣
鎮東軍親從都指揮兼土客諸軍安撫副指揮使銀青
光祿大夫檢校司徒守賓州刺史傳瓘贊正安國功臣
鎮海軍上右廳都指揮使兼土客諸軍安撫副指揮使
金紫光祿大夫檢校司徒前闕州刺史闕球贊正安國
功臣衣錦軍防遏都指揮使金紫光祿大夫檢校司空

守義州刺史傳琇贊正安國功臣鎮海軍牙內先鋒指
揮使金紫光祿大夫檢校司空守峰州刺史傳珣贊正
安國功臣鎮海軍節度上押衙充安國衣錦軍親從副
指揮使兼兩直都虞候金紫光祿大夫檢校尚書右僕
射守靈州刺史傳琰贊正安國功臣鎮海軍節度右押
衙充上直都知兵馬使銀青光祿大夫檢校尚書左僕
射傳璠等各授官秩階爵及遙郡有差

按吳越備史總
云十一人今史

載止十人
未敢妄增夏四月梁詔諸道兵馬元帥府開幕除吏一

同天策上將軍府故事是月復以峰州刺史傳珣守檢校太保餘如故冬十月己亥梁遣吏部尚書李燕中書舍人韋說加王天下兵馬都元帥先是梁使至拜謁甚恭說獨長揖不拜是月黃龍見於卞山之金井洞命立

瑞應宮

一作瑞應宮

是歲王建崇善王廟于蓬萊閣之西

故卧

龍山神祠也

浦江人何千齡四代同居有司上其事

天寶十一年春三月朔四星聚斗王開元帥府置官屬梁授兩浙行軍司馬秦州節度使平章事馬綽守檢校

太尉同平章事餘如故秋七月吳招討使劉信攻虔州

譚全播乞師于我王遣子統軍使傳球為西南面行營

應援使帥鮑君福等將兵攻信州以救虔州君福斬吳

將李師造

或云當作呂師造按鄱陽開福院有武義二年銅鐘安國寺有順義三年鐘皆勒呂師造

官階則呂師造不應先死也李師造疑別是一人或謠傳年月未可知也擒偏將馮敏等

吳越

備史作馬一

一千餘人至城下刺史周本張虛幕于門內召

僚佐登樓作樂宴飲我兵疑有伏遂解圍八月吳以前

舒州刺史陳璋將兵侵蘇湖是月傳球自信州南屯汀

州時吳師大破楚兵復遣梁詮擊我兵傳球引還梁授
涇源節度使杜建徽守檢校太傅同平章事冬十一月
吳圍虔州刺史盧光雋來告王命徵兵援之未及境而
虔州滅貢道遂絕始由海道出登萊入貢京師是月後
百濟王甄萱遣使進馬王報聘授萱中大夫餘如故是
時立晉分水令朱徹廟于新登縣封徹通靈侯

天寶十二年春三月梁詔王大舉兵伐吳王以子節度
副大使傳瓘為諸軍都指使帥戰艦五百艘自東洲擊

吳夏四月與吳人戰于狼山江大敗吳兵斬其百勝軍使彭彥章生獲士卒千餘人梁以湖州刺史大彭開國子王子傳璟為宣州寧國軍節度使同平章事六月吳人敗我兵于沙山秋七月王遣子傳瓘將兵三萬攻常州吳徐溫來拒我師命陳璋以水軍下海門出我後壬申戰于無錫指揮使何逢吳建死焉遂班師王見逢所乘馬悲不自勝將士以此心附之八月吳歸無錫之俘遣客省使歐陽汀來請通好王納之息民故也自是休

兵二十餘年吳王及徐溫屢遺書勸王建國王不從九月梁以南海僭號詔我師伐之王雖受命而山川隔越請以事寢冬十一月丁亥吳越國正德夫人吳氏薨是時封安國縣獨山神為鎮水山王

天寶十三年春二月梁授宣州節度使同平章事王子傳璟以下並起復雲麾將軍上右金吾衛大將軍員置同正員餘如故三月王命元帥府判官皮光業使于吳秋七月王以子睦州刺史傳懿為婺州刺史冬十一月

王遣使為其子傳璠

迴鑑作璠
今從備史

求昏于楚楚王殷許之

天寶十四年春三月吳遣王從弟龍武統軍鑑歸王以
鑑為鎮海軍節度副使王亦歸李濤以報之夏五月梁
改元龍德六月乙卯朔日有食之秋七月楚遣掌書記
李崑馬匡送女歸于都知兵馬使檢校尚書左僕射王
子傳璠冬十月梁授王子傳瓘檢校太傅同中書門下
平章事充清海軍節度使自是賜王書詔不名是歲建
上方多福院又建天真院于天真山後舊名登雲臺亦

名拜郊臺

蓋郊天之所

天寶十五年春正月梁授王子傳瓘以下並起復加爵邑有差秋七月王建天下元帥府于國門之右八月兩浙行軍司馬秦州雄武軍節度使同平章事馬綽卒冬

闕

月王晝寢夢青衣人捧簿書以前告曰大王明年錢塘官滿及寤頗惡之是歲割錢塘鹽官各半及富春之

長壽安吉二鄉置錢江縣

後忠懿王納土改錢江為仁和公司杭州府志云錢江縣治

在今武林門內梅家橋南

天寶十六年春二月梁遣兵部侍郎崔協一作刑部員

外郎夏侯昭冊封王為吳越國王丁卯王始建國

按武原志

載朱行先墓誌銘題曰義忠國是吳越建國亦稱為義忠國矣儀衛名稱多如天子之

制謂所居曰宮殿府署曰朝廷教令下統內曰制敕將

吏皆稱表疏稱吳越國而不言軍以子清海軍節度使

兼侍中傳瓘為鎮海鎮東留侯總軍府事置百官有丞

相侍郎郎中員外郎客省等使夏四月乙巳晉王即皇

帝位國號唐改元同光是月梁亡乾寧中有耕者得傳

國璽以獻于王王謂非人臣家所宜畜至是獻馬五月

唐遣宣諭使通事舍人吳韜走馬自淮甸至賜王名馬

玉帶香藥冬十月辛未朔日有食之六月我國文士朴

巖由新羅投高麗

東國通鑑云新羅景明王七年吳越國文士朴巖投高麗○案巖降高麗

為春部少卿是年使于唐

十二月王以行軍司馬杜建徽為左丞相

是時畜馬三萬餘匹號曰海馬

後人名其地為西馬騰

建閱禮堂

于宮中

寶大元年春二月癸卯金吾衛大將軍置同正員檢校

司空明州刺史王子傳曜卒秋九月王遣使錢詢貢唐
方物銀器越綾吳綾及龍鳳衣絲襪屐子又進萬壽節
金器盤龍鳳錦織成紅羅縠袍襖衫段祕色甌器銀裝
花櫛木厨子金排方盤龍帶御衣白龍璫紅地龍鳳錦
被紅藤龍鳳箱等王既厚貢獻復賂唐權要求金印玉
冊賜詔不名稱國王有司言故事惟天子用玉冊又非
四裔無封國王者唐主皆曲從王意冬十月唐授王依
前天下兵馬都元帥尚父尚書令吳越國王授王子傳

權檢校太師兼中書令充兩浙節度觀察留後十一月

陞蘇州為中吳軍領常潤等州

薛史錢鏐傳云鏐時崇盛分兩浙為數鎮其節

制署而後奏。又薛史曰唐莊宗三年升蘇州為中吳軍今從吳越傳史

是月唐授鎮東軍

節度檢校太保兼中書令大彭郡侯王子傳瑋充中吳

軍節度使是歲王於嘉興置開元府割華亭海鹽二縣

屬焉移安國縣法華院于縣東北隅

以鍾尚書府地建立

開慈雲

嶺西關城宇

寶大二年夏四月癸酉朔日有食之五月王獻二孔雀

于唐又遣使王浩貢重午簞扇龍鳳紗紋厨有差秋八月唐命吏部侍郎李德休等賜王黃金印玉冊仍錫紅袍御服一副及沿身禮物衣冠劍等其印文曰吳越國王之印冊曰維同光三年歲次乙酉八月辛酉朔二十七日丁亥皇帝若曰王者惠濟黎元輯寧方夏重名器任股肱忠而能力則禮崇賞不失勞則人勸所以啟周公之土宇列漢祖之膏腴者錄彼茂勲寘之異數登進賢哲焜燿事功也天下兵馬都元帥尚父守尚書令吳

越國王錢鏐朝海靈源承天峻岳以英風彰德望以勇氣贊忠貞往因義舉之徒盛推韜畧遂著襲封之績高步藩維挺魚鯤鳥鳳之姿擁岼虎水龍之衆居方面任將五十年宣導休聲攘除兇醜摧堅奮銳鄙許東固圉之謀阜俗頒條廣冀北安居之頌環塹浙江之要雲滋星紀之墟閱禮敦詩位崇元帥前茅後勁名重中權守畫一之規奉在三之節信立靡移於風雨義行曷倦於津塗効珍則那顧險難薦幣則常歸宰府振英謨而端

右弼鍾懿號而異列藩可謂職貢不乏梯航時至翼戴
天子加之以恭也載念尊獎爰示徽章今遣正議大夫
守尚書吏部侍郎上柱國贊皇縣開國男食邑三百戶
賜紫金魚袋李德休使副朝議郎守起居郎充史館修
撰賜緋魚袋聶璵持節備禮胙土苴茅冊爾為吳越國
王於戲地畫數圻賦過千乘墨守闔閭之境軌園句踐
之封子弟量才序進多分于榮戟土疆漸海方輸豈限
于魚鹽貴盛富強雖古之封建諸侯禮優夾輔不加于

此慎厥始終無以位期驕無以欲敗度欽承賜履協予

一人汝嘉是時冊禮既備左右猶具竹冊銅印唐主曰

尚父元老不當待以人臣況已封建乎因特加殊禮五代

會要同光三年六月太常禮院奏吳越國王錢鏐將行

冊命按禮文合用竹簡勅宜令有司修製玉冊俾稱元

勳議者以玉冊帝王所用不合假令人臣蓋當樞密院

承旨改佃受錢鏐之賂曲隨其請樞密使郭崇韜不詳

典禮故也。改佃是月王起玉冊金券詔書三樓於衣錦

佃歐史作改佃

軍遣使冊新羅渤海王海中諸國皆封其君長冬十月

鎮海鎮東留後王子傳瓘中吳軍節度使王子傳瑒各

貢唐綿綺千件及九經書史四百二十三卷又貢佛頭螺子青一山螺子青十婆薩石蠟子四空青四十一月唐授土客諸軍都指揮檢校太保兼鎮海軍節度副使王子傳球守檢校太尉兼侍中充靜海軍節度使閏十二月王遣沈瑫以受玉冊封吳越國王告于吳吳以其國名與已同不受書仍戒境上無得通我使者及商旅是時建上清宮于秦望山有巨石二十餘株自然成行名曰金洞門

寶正

甲子會紀
作寶貞誤

元年夏四月王有疾如衣錦軍命子傳

瓘監國吳徐溫遣使問疾左右勸王弗見王曰溫名問
疾實覘我也強出見之溫果聚兵欲襲我聞王疾瘳而
止丙午唐主嗣源即位甲寅改元天成秋七月庚寅王
至自衣錦軍九月唐加王子傳瓘食邑一千戶實封一
百戶又授中吳軍節度使王子傳瑋開府儀同三司加
食邑五百戶冬十二月唐授靜海軍節度使王子傳球
開府儀同三司食邑五百戶是歲大水中吳軍尤甚水

中生米大如豆民取食之

寶正二年春正月唐主更名亶冬十一月遣尚書班

闕

為通和使如高麗及後百濟甄萱時萱與高麗王構兵

也東國通鑑新羅景哀王紀載甄萱三十六年是為高麗太祖十年冬十二月萱貽書于高麗求和曰前月

七日吳越國使班尚書至傳王詔旨云云明年春正月高麗王答萱書曰伏奉吳越國通和使班尚書所傳詔書一道魚蒙足下辱示長書叙事者云云是歲徑山僧景文望南山有佳氣

結廬山巔大理評事俞壽因捨山為寺發土得金銅佛像三座名曰寶林院王建惠因寺于玉岑山北是時浚

柘湖及新涇塘由小官浦入海又以錢塘湖葑草蔓合置撩兵千人芟草濬泉

寶正三年春二月朔日有食之唐遣監門衛上將軍烏

昭遇賜王湯藥國信

案通鑑作供奉官烏昭遇蓋監門衛上將軍特借官耳今姑從十國

紀年吳越夏六月大早有蝗蔽日而飛晝為之黑庭戶

衣帳悉充塞王親祀于都會堂是夕大風蝗墮浙江而

死

葆光錄云寶正中當秋成一旦蝗翳日而

秋八月王

欲立中子傳瓘為後顧諸子各言爾功功多者即立王

子傳懿傳璟傳璟皆盛推傳瓘乃奏唐請以兩鎮授傳
瓘閏月唐詔傳瓘為鎮海鎮東兩軍節度使王使袁韜
進唐白金五千兩茶二萬七千斤謝恩是月王命浚上
虞縣舜井得識記寶物及重華石等

先是旌教寺僧義
思奏云按圖經西

北去三十五里有舜井二口深三大舜子生時井為湧
泉即淘金之處也世傳秦始皇封塞今作兩墩存焉各
高一丈相去三十餘丈晉宋以來僧為佛寺鄉人或遇
耕鋤多得古博覽石南去半里有舜廟北去半里為百
官橋東去二百步有機證院唐僖宗朝賜額寶正三年
閏八月初九日奏上當月十四日王差西都上直官五
十八人東都上直官五十人賣大糧畚鍤至井所開掘得
識記寶物一百二十餘件都抽領西都上直廂虞候戚

瑗都上直廂虞候孫宏西都隨身虞候閻丘稔勾當拜
祭內直殿十將于軒十六日鑿西井十九日得銀環六
赤珠一金合一古文錢二千三百四十琥珀珠一當十
大錢三當五十大錢二十四太平百錢直百三銖二十
四大錢二百五十四五銖錢九百六十貨泉錢二百八
十半兩錢三十石獅子一鐫其背曰重華井天明可開
腹內有水晶珠一東井得銀塔一高一尺五層內有金
瓶舍利二顆散金瓶二金鈴六銅鈴一銀環六銀鈴一
水精珠十四琥珀珠九雜珠大小三十五小琥珀獅子
三十瑪瑙珠七玉人一玉環一銅鏡三銅爐一小瑪瑙
珠六玉瓶一以上共三十四件並有石匣盛之題云唐
元徽四年於此造塔鎮井西有重華石一片濶三尺厚
九寸左右有索痕深二寸宮中令造深沙神一軀足履
四石寶正四年六月廿九日差錢文殷祭神鐫云吳越
國王寶正三年八月十九日重開舜井收得重華石一
片切恐年移代遠莫測端由持令鐫刻用記年月己丑

歲林鍾之月二十九日
天下都元帥吳越王記

寶正四年春二月唐授王子傳瓘杭越等州大都督長
史增食邑實封中吳軍節度使王子傳璫增食邑五百
戶實封一百戶靜海軍節度使王子傳球兼中書令餘
如故秋七月台州大水請軍儲三十萬斛八月唐賜烏
昭遇自盡先是昭遇之來使也與供奉官韓玫有隙昭
遇每以國事私于我見王輒拜舞稱臣謂王為殿下使
還玫具述其事又王常寓書樞密使安重誨云吳越王

致書于某官執事辭甚倨慢而重誨復多要求不克心
銜之至是奏昭遇失使臣之禮遂有是命因誣王大不

敬

五代史安重誨傳云重誨遣其嬖吏韓玫副供奉官
烏昭遇使於鏐而玫恃重誨勢數凌辱昭遇因解使

酒以馬莖擊之鏐欲奏其事昭遇以為辱國固止之及
玫還返詣於重誨曰昭遇見鏐舞蹈稱臣而以朝廷私
事告鏐昭遇九月癸巳唐主詔王以太師致仕自餘王
生死御史獄

爵尚父皆削之凡進奏官使者及綱吏令所在繫治王
令子傳瓘上表訟冤不省是歲所在地震居人有壞廬

舍者建天王院于東府

本董昌生祠
王因夢建焉

寶正五年春二月唐改元長興夏六月朔日有食之冬

十月王因唐冊閩王使者裴羽還

先是唐吏部郎中裴羽右散騎常侍陸崇

使于閩為海風所颺至錢塘王與安重誨有隙唐方絕王朝貢羽等遂被留經歲而崇以疾卒至是羽還求載

崇尸與俱歸王初不許羽以語感動王王惻然許之

附表引咎王子傳瓘等復遣

人以絹表間道自陳癸卯唐敕聽兩浙綱吏自便是歲改台州樂安縣曰永安

寶正六年春三月唐遣監門衛上將軍張錢兵部郎中盧重賜王國信湯藥起王致仕復元帥尚書令國王如

故依前不名仍示安重誨矯誣之罪敕曰天下兵馬都
元帥尚父尚書令吳越國王錢鏐久列王公恒輸愛戴
朕方禮加元老恩遇遠方安重誨掇綴瑕疵遽行阻絕
使錢傳瓘拜闕上章傾懷請罪言皆激切事且憑虛情
不可恕罪不可逭今已誅之以雪其寃故告

五代會要
長興二年

四月詔曰周崇呂望有尚父之榮漢重蕭何有不名之
禮錢鏐冠公侯之位疏吳越之封宜示異恩俾當綽禮
其錢鏐宜秋七月有象入信安境王命兵士取之圈而
賜不名

育焉冬十一月重修防風山靈德王廟成王勅撰廟記

記曰蓋聞天地氤氲序寒暑而滋品彙坐靈胎蠻司土地而福生民神祇理在于相須顯晦期臻于感契雖先聖著難明之說而禮經垂嚴祀之文爰自五運相仍百王理化或以勞定國或盡力勤王或利濟及于蒸民或勲烈光于史策並皆立嚴祠于境土享廟食于春秋而況江浙古區魚鹽興壤厯家則區分牛斗封維乃表裏江山昔年霸越強吳今日雙封列國曠代之靈蹤不少前賢之廟貌實多寡人自定亂平祆勤王佐命五十年撫綏軍庶數千里開泰土疆四朝疊受冊封九帝拱扶宗社改家為國興霸江南一方偃息兵戈四境粗安耕織上荷玄穹眷佑次翳神理護持統內凡有往帝前王忠臣義士遺祠列像古跡靈壇悉皆褒崇重峻于深嚴祀典常精于豐潔冀承靈貺同保軍民其有風山靈德王廟本係屬城近歸畿甸考諸舊記卽是武康縣風山又按史記云汪罔氏之君守封禺之山今在吳興武康縣稽立廟之初則年華渺邈詳圖牒之說則詞理異同

唯有元和年再構簷楹見存碑記彼既已具敘述此固
不復殫論聊書封置之錄直述旌崇之意丙戌年春寡
人以王冊宜膺于祀典清宮樂展于嚴裡遂輟萬幾暫
歸錦里尋屬節當炎暑猶未却回闕

陸仁璋佐國闕

心懸危從

徧祝靈祇以風山靈德正昔年因舉兵師曾陳禱祝無
虧響應顯有神通遂懇悃告虔許崇堂殿洎清秋却歸
闕披親闕陳既忠誠感動神明行褒贈先酬靈貺次

乃親分指畫委仗腹心按山川展拓基垆順岡阜增添
堦壇形勝並皆換舊規模一概從新居中而殿宇崇嚴
四面而軒廊顯敞周迴戶牖甃砌堦墀構之以杞梓榱
桷飾之以玄黃丹漆外則浚川源之澄澈內則添竹樹
之青蒼至于廣廈神儀崇軒侍衛車輿僕從帳帷簾櫳
鼎鼐庖厨邊登器皿請福祈恩之所獻牲細幣之筵並
極鮮華事無不備丙戌年八月二十四日起首至是十
一月畢功土木皆是精新裡祀嘗嚴豐潔仍展挂牢蕭

鼓慶樂迎神耀威靈而萬古傳芳標懿號而千秋不朽
一則酬忠臣之啟願二則答陰陽之匡扶唯冀明神永
安締構稟玄化而垂恩福鎮土疆而廕護軍民保四
時風雨順調闕

永絕天灾地沴常歡俗阜

時康巍乎煥乎美哉盛矣今則功用既就良願已酬用
勒貞珉聊書據實所貴後來賢彦知士精敬神明不假
繁文粗記年月時闕六年重光單閼為相之月二十
有三日記○按一統志云防風氏廟唐元和中建錢鏐
致倚有應封顯德王是歲封巨石山為壽星寶石山
今從廟碑為靈德王

高六十三丈周一十三里

一云封落星石為壽星石
大教十圍塊然無根望之如

斷歐陽史人云封落星石為寶石山○武林
梵志云巨石山又名石甌山羅隱有封山記
浚中興寺

戒壇院井

井九十九眼
號錢王井

是時王改衢州龍丘縣曰龍游

惡丘為墓不祥也又改湏江縣曰江山

長興三年春正月唐升楚州為順化軍以王子明州刺

史傳珣領節度使

楚州時屬楊氏傳珣蓋鎮明州而遙領楚州節耳

二月唐遣

吏部侍郎盧詹刑部郎中楊薰賜王國信湯藥等三月

己酉夜大雪王寢疾謂將吏曰吾疾必不起諸兒愚懦

不足任後事吾死公等自擇之衆將泣下皆曰兩鎮令

公仁孝有功孰不愛戴王乃悉出印綬授子傳瓘曰諸

將許爾矣又曰子孫善事中國勿以易姓廢事大之禮

庚戌薨年八十一在位四十一年唐主聞赴廢朝七日

詔曰天下兵馬大元帥尚書令吳越國王錢闕本朝元

老當代勲賢位已極于人臣名素高于簡冊贈典既無

其官爵易名宜示其優崇即令所司定謚曰武肅一作忠烈

非仍以王禮葬詔工部侍郎楊凝式為碑文五代史補曰李瀚有

逸才每作文則筆不停輟而性嗜酒楊凝式常受詔撰錢鏐碑自以作不逮瀚於是多市美酒召瀚飲俟其酣

且使代筆經宿而成凡一萬五千夏四月庚午奉靈輓字莫不詞理典贍疑式嘆服久之

殯於衣錦軍應順元年春正月壬午葬安國縣衣錦鄉

茅山之原是年建廟于東府

按隋史載唐初建廟在秦三年蓋先立廟而後奏

允越二年奉真像入廟

皮光業吳越國武肅王廟碑文曰粵以唐長興三載壬辰春季

莫周十三英天下兵馬都元帥尚父守尚書令吳越國王并捐宮館以是歲明宗皇帝降太常博士段顯定謚諡曰武肅尚書工部侍郎楊凝式撰神道碑文宣翰林侍詔張季恭至吳越書於刊石後二年歲在敦牂天下兵馬元帥嗣吳越王建廟貌於始封之越國禮與境內樂之罔極孝思也蓋聞神道設教莫大於郊社嚴禋明德惟馨無逾於祖考孝享是以百代相襲六籍盛稱報効勞則天保是徵展欽若則王假是訓况建除難靜亂之業揚武烈之威名振剛德尅就之風成肅恭之懿號陳乃四紀光奉八朝生為有土之君薨為衆朝之廟足可睢盱台畢齟齬桓文聲華永而日月齊簡冊編而今古在邇夫堂成王構家繼國肥壁壁寶以知來出玉林

而嗣位高陽號里無媿前賢夏屋登山常遵治命爰自
鄭端始襲晉墨未除不忍一日之離遂立千年之祀金
銘陽邁已成像於吳城香刻旃檀復附神於越國恭惟
先天下兵馬都元帥吳越國武肅王殷朝錢祖仙夢分
枝唐代鄭公靈源直派簪裾軒冕禮樂詩書疊慶連華
文光翔葉應劭七世累爵重官羅企一門惟忠及孝其
降神也虹飛蜀國始見殊祥魚躍汾河是生奇表赤光
耀室黃氣浮空石龜殞下於官山關人來歸於寶器其
英姿也鳳人龍藻與出精神白琥蒼珪琢為標格加之
薛璘整峻謝安風華俯仰可觀進退有度慕容德偃日
月角光影鏢人李子賢匿顯威儀龜文鎮俗其辭韻也
音谷灑落智辯鏗鉤元善抑揚張暢詳雅至若討論國
計談畫兵籌接對便乎撫御將下所謂五胡奔注百谷
奔騰土虹起而雲霧鎮金虎嘯而風蛇動揣摩勝負赫
連勃口援懷慙裨闔興亡蘇季子舌端有愧其氣度也
志高建木量等大瀛含垢匿瑕罔知邊際求賢接士無

急寅昏重仁義若丘山視玉帛如咳唾翹翹車乘惟在
得人憧憧往來皆鍾和氣所以羔皮豹舄鴈列犀渠咸
願殺身用酬大惠愛家爲國誠由萬化生身以德聚民
所謂八風從律其英雄也能知否泰善俟雲雷動必有
成舉無遺策蛟龍得雨莫測變通鷄出林可知意度
其間文武迭用仁義不常平阿亡戟得矛並能取舍元
魁若地騎虎不覺艱難奄有具區廓開霸業設使庾翼
復出必不妄譽以桓溫阮藉重生安敢輕言於廣武其
文學也家承儒範世尚素風侍絳紗帳於先生授白綸
巾於神女才通夢寐鳳吐是來志在典經龍鬬不顧所
以博覽七緯精究三玄盡得津涯皆昇堂奧其於篇詠
尤著功夫思風起而繡段闕言泉洶而金沙見其札辭
也花隨腕下星逐毫飛霽若游雲細疑垂露鈎刀向背
未饒索肉芝筋點畫方圓高掩崔肥趙瘦就中濡染脾
韻益見呈露鋒銳四方仰之神蹤一代稱之墨寶王逸
少若見甘避鴈行蕭子雲如逢大慙婢異其建大功也

唐季乾符之末中和之初海鳧乍揚天鼃初伏塵飛野
馬四郊之壘漸多霧暗騰蛇五賊之機共構其始者王
仙芝結蒙中土首構禍階雖已誅闕猶殘支黨自此聚
祠烏合草澤蜂飛僥薄者因是披攘謹厚者亦為慄悍
江南則未直叛亂於唐山孫端寇娶於安吉西侵宛水
東患苕溪郡縣則終日登陴生民則長時伏莽王時郊
居葛圖嘉遁茅山方當枕石漱泉尚是衮衣博帶規茲
多事慨然究懷顧謂朋友曰大夫尚須撥亂平奸豈可
懷安端坐是日乃奮戎服挂彼儒冠大散家財廣招勇
士申令纔舉行伍肅然手仗義旗身當勍敵一月之內
二寇殄平靜千里之山川救兩郡之水火是王之初立
功也其次黃巢來從五嶺直下三衢展采翅則電布星
離張鯨牙則山連岳峙所遭蹂踐並作塵灰土乃獨領
偏師據於險地既逢人怒遂設奇兵敵望草木叢林皆
是千矛旌幟我則左右翼陣照化如神當下追奔尚賈
餘勇長蛇封豕便出他疆新市下江保安數邑是王之

功也其次彭城漢宏據南鎮之重地守東越之名區黃
巢既犯兩京僖皇乃巡二蜀漢宏不思奔問便發貢輸
恃險阻於浙河欲覲觐於浙岸先於漁浦龜石冀張下
營蕭山西陵鱗次列若鉅甍久應聲鼓相聞時我諸軍
實有難色王乃潛趨間道夜濟長江仰告昊天乞旨明
月當下寒雲布野殺氣疑空楚廟陰兵旁隨露合百臣
黑慢闇與山連我師忽震於雷霆彼若猱驚於魂夢風
號龍虎爭傳破竹之聲陣卷龍蛇競集建瓴之勢賊將
殷輪不暇漂杵有餘僅身免以奔歸乃塞門而自守適
後大小百戰首尾四年方清鏡水之波始有蘭亭之地
弔其生聚大布仁慈誅彼渠魁不煩天討是王之功也
次則有薛朗逐出周寶自據朱方南襲毘陵西侵建業
迨其剽掠務在殺傷將乘中國之危擬扼長江之險王
乃命二虜將期一月報功指其山川授以韜畧蹄數並
舉水陸兼行曾不旬時計平窟穴曩南宮萬於屢革視
以囚人象崔忌景於鮑藍彰其叛主是王之功也次則

有徐約比是六合鎮使遠忝三吳郡符王帛是求徵斂
無度長時習戰齊民因被雕黥比屋為軍魯儒亦遭剪
削惟王聞其暴虐奮激神威發上谷之精兵合下江之
賢將授以九天九地之訣傳以訓辭訓典之規扼斷咽
喉清其郊野任約之龍果睡王彌之豹徒飛食君朝饑
無由撫士計窮宵遁遂至潰圍松陵之烟水重清香徑
之黎元再活是王之功也次則有孫儒恃有數萬兵甲
不守淮南直欲別遣土疆遂奔江左封人民為糧食藁
舍宇為薪蘇餓鵲饑鷺飛揚京口貪狼乳虎踐踏吳門
漸逼由拳將窺雪水王乃張天網於險阻闔地牢於要
衝發水犀之驍騎設燧象之機謀青雀摩壘赤兔致師
將持久以待之俟勢窮而必取守埤皆哭無食何為鳴
鼓而攻脫身遂去向使不施神畧不振王威則冀冀最
靈皆成膏血茫茫勝槩盡作烟堞所謂劬勞為時廣大
及物是王之功也次則有董庶人始鎮石鏡便牧杭州
因破漢宏遠居越土自形成象從纖至洪並是王之環

甲執兵左提右挈以至手持旄節象爵王侯既滅項於
彘倫乃垂涎於神器銅符金匱祥瑞亂興玉璽珠袍妖
訛競起王以早同楚軟夙共晉盟書尚緘勝血猶濡鋌
賤玉旁午誘勸交馳諫既閉於屬垣禍遂成於覆族是
時兩河倔強三輔紛紜萬衆雖拱於北辰一人不遑於
南顧王請奉行天罰所統便是國兵不費上供資財不
役諸道將帥果見桓元計窘抽玉尊以求生王莽勢窮
轉銅威而厭勝喉既春於富父骨復專於會稽諸其故
宮焚其法物復我正朔清我寰瀛五石補而天鏡明六
合完而地維正是王之功也王以平妖立霸時之業戲
難建蓋世之功律呂宮商鏘洋史籍丹青金玉與爛國
華所以僖宗天子仰我丈昭瞻我武烈龍光壓壘急使
星馳紛紜便蕃大王風起尋以耿純試理盧植魚才披
錦衣以耀家鄉握珪苻而光松梓洎於昭皇飛昇大寶
禮遇元勳龍悅白雲鳧忻得藻嘉功賞德金鳳之詔連
飛表異旌優玉麟之符遂刻移南徐之藩翰就錢塘之

江山節疎靈犀帳開神虎三千珠甲光爛星辰十二牙
旗文生組繡碧幢繞建黃閣又開乃魚鎮於越藩遂對
持於漢節中天辰像雖分牛斗之疆夾岸烟嵐映出東
西之宅四縣既食萬戶累加榮戟立門赤油羅列山河
誓券金字焚煌生祠之蓮豆綴綴衣錦之城隍黯黯而
又特逾漢制封我吳王茅分夏社之心桐翦周王之手
昔也龍蛇起陸踏湯火以戰爭此際山川出雲見君臣
之際會逮夫濟陰王既傳天寶梁太祖遂應玄苞於王
不易范張之故情請結秦晉之嘉好恨無殊禮得展異
恩於是追呂望之高風擬山甫之美躅師尚父統攝三
老作帝股肱尚書令總務萬機為天喉舌仍頒瑞節復
陟齋壇建牙兼鎮於揚州分閫遙臨於楚甸尋命兵部
尚書姚洎躬持鳳冊遠泛鯨波備周官之典儀封越國
之土宇八鷺西馬耀鏤錫以振鈞膺三節一王秉恒圭
而垂玄玉及龍德嗣君即位禮稱伯舅尊曰父師寅敬
列光益虔顧命是遣吏部李尚書燕奉持綸告繚遠湖

湘授天下兵馬都元帥洞庭彭蠡漸無不順之臣北
西國將有後予之歎昔韓信對漢高祖曰陛下能將將

臣能將兵是知元帥非人臣之職曹益帝王之兵柄推
於前代隋煬帝自晉王淮南行臺尚書令祇為行軍元
帥天下之號國朝肅宗皇帝駐蹕靈武曰命代宗皇帝
自廣平王而為之德宗皇帝自魯王而為之梁太祖授
九錫後而為之斯天下元帥之故實也其後龍德帝復
命兵部崔侍郎協齊持簡冊浮汎風帆揚往典於明庭
促及時而建國奉召康公之命得以專征授唐叔虞之
封良由吉夢未久金行運息土德中興莊宗皇帝鵠起
并汾龍飛宋汴當寧不逾於旬朔臨軒宣諭於公卿曰
吳越國王五十年來常作播天之柱三千里外每為捧
日之雲今若將致小康實在敬尊元老於是鸞臺進擬
麟趾摘詞典瑞獻功琢白圭而冊文燦爛職金供命簪
紫磨而印篆盤珊重封吳越國王再授天下元帥馬遷
十代史內國是絕倫柳晉萬卷書中必無佳例其建國

也大君有命明試以功自癸未而至壬辰備戰器而脩
王道先是中朝名士在野遺人或負及擔登來投霸府
或折襦為袴而詣軍門奮袖於嘉納堂中曳履於靈鈞
臺上至此水鏡裁鑒金枰等量並列庭臣皆居省署替
裾列侍文物齊光張伯仁陳宗廟之儀鄭子產獻公侯
之禮豈謂難窮者大數莫究者彼蒼俄脫履于具區遽
徹縣于正寢金山霧掩誰知帝召王喬玉海波空實痛
神辭李廣況十三州疆場百萬戶黔黎咸長養於恩膏
悉生成於儀澤淚洒而晴空散雨愁凝而杲日沈雲鳥
獸悲哀草木慘沮明宗皇帝宣太常而定謚法詔貳卿
而撰誄文鸞輅龍旂贈禮優於鄧禹梓宮黃屋異數等
於霍光得謂盡始盡終極榮極貴享九九之仙壽近帝
位於一又感萬萬之人心歆神道於千祀有後如此又
何缺焉我天下兵馬元帥吳越王當燕族之多奇承趙
宗之後世嵩嶽泰華秀氣俱騰淮濟江河榮光並結是
時肖主誕我國祥紹經文緯武之基襲積德累仁之業

開襟奪臆伏雄傑於周瑜誓衆臨戎統人豪於張袞風
儀則懸星溢皆紫電揚矚霜雪凝肌膚龍入髮仙應有
分貴不可知宋弁聲姿尤閑進對竇融詞氣惟是卑恭
加以青雲常在于言談畏日不離於顧盼徐行緩步褚
彥回却是趨踰散憤斜替王文憲殊非蘊藉智畧則鮑
叔雖天應手而來顧和珪璋遇機方露遠者大者一剛
一柔靜則心照鏡而貌懷冰含和六氣動則火炎山而
湯湧海惛懼萬人機變則管葛才高孫吳術妙身文虎
豹隱見不常義府戈矛短長迭用三雋才既為已任六
奇策固是無遺邵穀詩書經綸國計項羽雷電振動兵
籌涂睇而莫測金泉旁窺而罔知珠岸詞藻則青霜皓
月絡繹綵牋芳草落花飄颻鏤管織成夢錦散出神霞
英爽屢奇張融之言信矣凌顏鏢謝元業之論宜然札
翰則早受義方曾傳掣筆驚回鵲反氣勢驚人金錯銀
鈎縱橫八末業蹟無非墨陣宮室爭耀寶碑崔宏之本
草無光張育之折蒲失色立功則我王初離太學始統

親兵鄭世子方欲平齊汝陽王正思安漢屬隣國侵軼
命將曰李濤僅二萬兵下百里砮圍逼安國涎啄餘杭
我王虔奉訓辭遂昇上將清風受式黃石傳書親蒙韓
奕之黃羆躬伏封文之白虎攻東南而備西北事在機
先掩五壘而出三門別馳神筭于是崩摧大陣擒獲萬
人道路隘於俘囚山川積於戈甲餘敵作氣既竭方遁
於潛我則乘勝追奔又平廣德未出一百里之境復降
五千來人唱凱歌而喜氣連郊整班師而雄風掠地尋
即大統龍艦遠泛鰲溟巡江陰而收東州入海門而觀
北固彼境遂陳舟楫遠出枝梧我則陳二廣於浪港沙
前設三覆於石牌灣內零陵石灰風便爭投於蛟蜃窟
中沁水火城油燃倏葬於鯨鯢腹裏一戰定霸二紀無
虞寰海具瞻將相迭耀聲光平顯裴松為廊廟之人功
業升聞段襄居骨鯁之任爰自嗣承國構續奉王基况
當跪箭之初又在寢苫之內芝蘭龍鳳二千餘口之家
風鐵石虎貔二十萬人之軍府誠難撫御豈易輯綏我

王以孝為模用仁作範無所不可惟言是從嘉惠寵靈
供承花萼油雲膏雨潤澤閨門此外習武益兵輕刑慎

罰德無脛而遠屆名無翼而遐飛果動大朝繼踵異寵
三年之內兩冊連封雙龍之金節齊行四馬之寶車並

轅王具冠劍見王者之尊崇織文旂常觀國容之貴盛
我王因茲顯赫益動孝思無以答先后之思無以報昊

天之德且曰武肅王有大功及天下大名振寰中庇生
民則百萬有餘築城壘僅五十來處豈可不建廟貌不

像真容為星紀之福宮作地戶之神主爰命興武忠直
都虞候姚敬思於馬臻湖畔句踐城中選闡閭形勢之

中區得顯敞高平之勝址於是鉞杆俱下盾鉦齊興隱
雷聲轟轟岳振不十旬而展役布千丈之隆基大梓

文枿非是秦山伐木宏梁巨棟非因漳水漂來雕鐫者
王母玄圖梵砌者赫連繡石斤揮斧運削出銀葩水鑿

沙磨方成王碼符玄武之嘉兆應神著之吉辰始乃架
險梯虛雲構山屹陰虬迴抱陽馬奔趨虎牙街而析拱

連龍脊裏而樂樞轉瓊瑤耀壁丹漆明簷鴛鴦之瓦縫
界成芙蓉之塼文印出即以丙申歲秋八月十有七日
我王備鹵簿鼓吹車輅旂常北司侍臣南班舊列奉迎
真像而入祠宮白檀雕出聖容黃金鏤成寶座儀形酷
類神彩如生鳳目龍章顏猶不破垂旒被袞人見興悲
禮器則俎豆犧安軒懸則祝敎鍾磬后殿罩衣雄服文
母賢妃露幔珠屏蝦簾象榻不異昔時祕寢皆同曩日
深宮前則廣廈交陰芳亭對構紫石伏狻猊之影未欄
文莖莖之光正啓重門並立神將侍衛兵仗矛戟森然
文武官班替裾肅列直出甬道千步有餘河枕投醪波
通射的蓮芰遶於紅閣桐桂夾於星橋左則迴抱粉廊
連延綺棟並圖曹署各列司存乃至早世勛臣無祿公
子皆塑儀像並配薦羞右則修廡飛甍綠窓丹牖陰兵
神馬見雷電而沒風雲明宰淨厨備築盛而烹肥腩景
物則高山矮桂粉竹金松夾砌名花連階瑞草烟嵐蔚
蔚便是陰宮雲霧濛龍居然神府我王昔以致君之業

累殄寇戎今立顯考之祠而修孝敬所以天朝繼封王
爵以耀國章金印闕宇內徵呼元帥帥天下侯伯卓絕
殊勛洪業所謂炙地薰天設使書剡州九萬之殘不能
盡紀勒華山五千之仞亦恐難窮先業也詞不容於王
椽才匪量於曹斗擬奚斯之頌或恣麤心對豫章之碑
豈合惜手但以二紀幕容十載廷臣不求孫綽擅名豈
望楊脩絕妙所希編述用答恩知追感先王恭為銘曰
崧高嶙峋是生哲人上天獅子出澤麒麟錢尊殷祖鄭
肩唐臣衣冠表裏文武經綸廣運將新大盜斯起雁象
歎驚鳧毛亂委紫蓋蒙塵黃金多壘既戮憲章又裂文
軌武肅英王提劍東方龍行雲雨虎變文章李氣沃洒
妖雪歸湯洗滌星紀整頓天常告功狠居圖形麟閣相
珪聯編茅土續索三道犀幢八朝風幄丹券家門鄧衣
城郭元帥天下國王具區六瑞珎珎冊三品鑄符尚父四
履尚書萬樞峴峨高壽曦赫霸圖我王奉天為時而出
傳寶應金繼輝趙日國士無雙風華第一削樹平戎夢

未受秩功既挺世德又動天襲封二冊嗣位三年金應
國寶元帥兵權忠無瑕類孝絕雕鐫未毓墨線乃建清
廟臥龍之城會稽之嶠嵐界迴廊粉明周繚廣殿霞開
重門兵峭瑞王禮器香檀聖容民之祀主我之神宗秉
翟執籥特磬編鐘然蕭炳睟真帶輸琮於穆祠中煥然
陰府五齊恒馨六佾常舞飭薦房蒸歌隨路鼓令子懿
孫光今
顯古
王厯事四朝累加定亂安國啓聖昌運同德守

道翊戴功臣天下兵馬都元帥開府儀同三司尚父尚
書令兼中書令上柱國吳越國王賜劍履上殿詔書不
名凡功臣諸子領節制皆署而後請命王居處務期節
儉衣衾雜用細布常膳惟菹漆器寢帳敝恭穆夫人欲

易以青繒不許

十國紀年云錫居至服御窮極侈靡末年荒逸尤甚似未確

常歲除

夜會子孫鼓琴未數曲遽止之曰聞者以我為長夜之
飲少在軍中夜未常寐倦極則就圓木小枕或枕大鈴
寐輒歌而寤名曰警枕置粉盤於臥內有所記則書盤
中又時彈銅丸於樓牆之外以警直更者一夕微行叩
北城門吏不肯啓闕曰大王來亦不可啓明日召吏厚
賜之稍暇則命諸子孫諷誦詩賦或以所製詩賜丞相
將吏亦間能書寫畫墨竹然不以咕嗶廢正務或有述

李頻詩于王曰只將五字句用破一生心王曰此心何
所不用而破于詩句惜哉反復議論由是徃徃達旦天
福中近侍李詠因監契丹驛中有判官謂詠曰武肅王
常夜不睡詠詰其所知答曰嘗聞五臺王子太師言浙
中不睡龍今已歸矣訪其所聞乃壬辰之後也

僧贊寧
傳載畧

云武肅王常時詣諸院孫敏利者老姥監直聽更一宵
銀枝燈有大蜥蜴浴油缸而吸視之將竭條然不見明
日王曰昨夜夢麻膏充腸而飽是何
祥也宮中或有對者王亦微哂而已又幼時侑儻有大

度志氣雄傑機謀深遠每處衆中而神采有餘居家庭

極盡人子禮純孝本于天性開國後遇春秋薦享必鳴咽流涕曰今日貴盛由積善所致但恨祖母不能見耳是時中原多事西川王氏稱蜀廣陵楊氏稱吳南海劉氏稱漢長溪王氏稱閩皆竊大號或通姻戚或達聘好咸以龍衣玉冊勸王自帝王笑曰此兒輩自坐爐炭之中又踞吾于上邪却之不納而諸國主亦無不以父兄事之王負知人之鑒尊賢下士惟日不足名其居曰握髮殿取周公吐哺握髮之意

後人謔為
急發殿

常使畫工數十

人居淞江號鸞手校尉伺北方流移來者咸寫貌以聞
擇清俊福厚者用之胡岳方渡江時畫工以貌奏王覩
而歎曰面有銀光奇士也即時召見幕客羅隱雅好譏
評雖及王微時事怡然不怒人咸稱其寬大後庭有鄭
姬者父坐法當死左右冀其獲宥且言斯人有息女預
侍王曰豈可以一婦人亂我法出其女而斬之其公正
不私又多此類也

論曰歐陽氏五代史謂錢氏有改元而無稱帝之事然

獨得其封落星石制書稱寶正六年辛卯一節耳及宋
末于臨安府得吳越尊勝幢有云天寶四年歲次辛未
是朱梁篡唐之明年戊辰已改元天寶矣又靈隱尊勝
幢云寶大二年歲次乙酉婺州觀音院鐘刻云寶大二
年乙酉而朱府君墓誌亦言寶大元年歲次甲申是唐
之同光二年在吳越為寶大元年也元至正時海寧州
發吳越臣許俊墓內署寶正三年于石而招賢寺幢及
貢院橋柱皆題寶正年月不一而足則武肅王之改元

斷矣獨是越州城隍廟碑既奉梁勅為梁主父名諱且
上書開平二年歲在戊辰又杭州真聖觀碑後署開平
二年八月豈立碑在改元之月之前抑武肅王於中原
正朔或遵或廢陽用而陰違邪至于台州壁記有錢鑑
天祐十九年之紀而瑪瑙水月寺幢復有言作寶貞年
號者載籍傳譌卒不可得而明也

問自若唐末汎聞
錄又作保正亦誤

姑

舉其大端以為吳越改元之證云


或言羅隱新城縣記
署寶大元年于癸未

歲與諸石刻小異以此為疑任臣索新城已改新登何
得復云新城即曰梁亡之後不為梁主父諱或仍舊稱

未可知然隱卒于天寶三年安得癸
未年尚撰縣記乎此必偽作明矣



十國春秋卷七十八



總校官庶吉士臣張能照

校對官檢討臣王鍾健

膳錄貢生臣李敬敏

欽定四庫全書薈要

史部

十國春秋卷

七十九至
八十二

詳校官員外郎臣楊世綸



欽定四庫全書薈要卷八千六百四十五

史部

十國春秋卷七十九

檢討吳任臣撰

吳越三

文穆王世家

文穆王名元瓘字明寶初名傳瓘及襲位更今名武肅

王第七子也母陳氏唐光啓三年冬十一月十有二日生傳瓘于杭州東院先是有僧持玉羊大可數寸獻武肅王且曰得此當生貴兒傳瓘果以歲丁未生焉乾寧

元年二月授鹽鐵發運巡官稍遷金部郎中賜金紫天
復元年八月改授禮部尚書遙領邵州刺史徐許之亂
田頔要質於我武肅王厯選諸子不應命傳瓘奮然請
行莊穆夫人聞之泣曰置我兒于虎口也傳瓘曰忘身
以紓家國之難雖死無恨遂從數人縋北門而下武肅
王竒而送之已而頔叛于吳吳忠武王會我兵攻頔頔
每戰敗歸輒欲殺傳瓘頔母及頔婦弟郭從師常加保
護後頔將出語左右曰今日不勝必斬錢郎是日頔戰

死傳瓘得歸天祐二年制授傳瓘檢校右僕射八月處
州刺史盧約弟佖寇永嘉四年四月傳瓘承王命伐永
嘉時佖列巨舟四十艘于清澳海門以邀我師傳瓘謂
諸將曰賊銳卒盡在此矣姑弗與戰當由他道徑襲賊
壘出其不意必成擒也於是自安固江登陸而襲之遂
斬佖是時梁已篡唐師還承制改內牙都指揮使檢校
尚書右僕射冬十月授金紫光祿大夫檢校司空明年
武肅王改元天寶四年秋七月梁賜傳瓘號贊正安國

功臣進授司徒守湖州刺史六年夏四月淮南將李濤
寇衣錦軍傳瓘率師討之乃盡伐樹木絕其歸路為三
覆以待時徐知誥在敵中與傳瓘騎相逼幾獲之俄而
知誥易服乘白騾而竄壬辰獲濤及偏將咸知進等八
千餘人兵甲生口稱是是行也營中有氣如龍虎狀賊
人望之曰霸者之氣也五月復率騎兵攻廣德縣城六
月己卯城陷傳瓘手刃二百餘人獲敵將花虔渴信及
吏卒七十餘人以還冬十月梁勅授檢校太保依前湖

州刺史大彭縣開國男食邑三百戶七年夏六月梁授
傳瓘特進光祿大夫開國侯食邑一千戶秋九月命統
師攻常州無錫縣丁未克之獲其將朱超等五百餘人
八年梁授傳瓘鎮海軍節度使土客諸軍都指揮使湖
州刺史如故十年夏六月加檢校太保食邑五百戶十
二年梁詔傳瓘帥水師大小龍形戰艦五百艘自東洲
發艦竟趨淮甸夏四月乙巳大戰吳人於狼山江將戰
之夕傳瓘召指揮使張從寶計曰彼若徑下當避其初

以誘之制勝之道也乃命軍中宿理帆檣每舟必具灰
豆江沙以隨翼日昧爽吳人果乘風自西北而下危檣
巨艦勢若雲合我師輒先避去敵舟既高且巨不復能
上我乃反乘風逐之及吳兵迴舟而鬪舳艫相接因揚
灰散豆吳兵目眩不可視戰血既漬踐豆者靡不顛踣
隨進火油焚之斬其將百勝軍使彭彥章鹵獲無算自
江及岬數千里皆殷焉先是舟次狼山江之石碑灣有
石幢大署其文曰向後有水龍五百至此其言遂驗秋

七月傳瓘復戰于無錫縣會偏將曾雲奔于吳我軍失利已而傳瓘馬逼高岍吳人追垂及乃舉策私誓曰天必助我馬當躍上不然則墜我于此馬果一躍登岍頃之復整行伍破敵而歸吳自是遂求通聘十三年梁遣衛尉卿兼通事舍人陳琮授傳瓘檢校太尉同中書門下平章事充清海軍節度使餘如故十五年春正月加特進檢校太尉兼侍中增食邑三百戶仍賜匡扶定亂立正至道功臣寶大元年冬十月唐授傳瓘開府儀同

三司檢校太師兼中書令依前清海軍節度使兼充兩
浙節度使觀察留後遣進奉使婁輯將命寶正元年夏
武肅王不康因如衣錦軍命傳瓘監國仍俾便宜行事
及王至自衣錦軍中外無所專命王心喜嘉歎久之九
月唐加傳瓘食邑一千戶實封一百戶初傳瓘夢神人
賁骨易其頂遂有是命三年秋七月己巳第六子宏佐
生閏八月唐遣閣門通事舍人李韞授傳瓘鎮海鎮東
等軍節度使四年春復加杭州越州大都督長史增食

邑一千戶實封二百戶秋八月己酉第九子宏倣生五年夏五月唐又增食邑一千戶實封一百戶唐長興三年春武肅王既薨傳瓘哀慟終日四日不食左右勉進以粥其行喪也傳瓘與諸昆弟同幄指揮使陸仁章扶傳瓘就異幄且告將吏禁諸公子從者無得入夏四月己未傳瓘改名嗣立以遺命去國儀用藩鎮法仍遵中朝年號稱長興三年罷開元府諸屬復隸中吳軍除民田荒絕者租稅中外班賚有差命處州刺史曹仲達權

知政事置擇能院以浙西營田副使沈崧領之掌選舉
殿最先是孟春至夏陰晦彌時至是澄霽國人咸悅是
月庚午殯先王靈輜于衣錦軍之正寢內牙指揮使劉
仁杞與陸仁章用事久衆害其能一日詣府門請誅之
元瓘使從子仁俊戒諭諸將無逞私恨以殺人乃以仁
杞為湖州刺史仁章為衢州刺史秋七月己丑唐加元
瓘守中書令是歲丞相許明舍富春宅為寺名曰許明
寺

長興四年春正月契丹使者拽刺廸德還國遣使從貽
寶器三月唐遣將作監李鍇光祿少卿張裒來歸我先
王之賄又遣引進使楊彥珣授元瓘起復雲麾將軍上
金吾衛大將軍員外置同正員中吳軍節度使元瑯檢
校太師兼中書令清海軍節度使元懿檢校太傅同中
書門下平章事餘如故夏四月吳客省使許確百濟國
太僕卿李仁旭各來祭我先王秋七月丁亥唐遣郎中
張絢封元瓘為吳王是月漢左僕射何瑱亦來祭我先

王王兄元璩自蘇州入見王待以家人禮介觴為壽慰勞甚至元璩泣謝而退九月唐遣吏部侍郎張文寶來宣諭冬十一月唐主殂宋王從厚嗣位十二月庚戌寧國軍節度使同平章事檢校太傅王兄元璣卒是歲順化軍節度使判明州王弟元珣驕縱不法每請事于王府不獲輒上書悖慢又以鐵牀炙屬吏臭滿城郭王遣牙將仰仁詮召還幽之別室封漢餘杭令陳渾為太平靈衛王建祠于國城外北山

應順元年春正月唐主改元大赦勅遣鞍轡庫使王延
縞來宣告仍賜國信壬午奉葬先王于茅山甲午唐遣
散騎常侍孔昭序駕部員外郎張縉冊王為吳越王是
月大雪平地五尺夏四月潞王從珂廢唐主為鄂王而
自立改元清泰六月勅遣給事中張延雍兵部員外郎
馬義冊王為吳越王秋九月辛酉王獻唐白金五千鎰
絹五千疋靜海軍節度使檢校太保中書令王弟元球
等四人共貢唐白金七千鎰綾絹七千疋

清泰二年春三月己酉唐贈王母陳氏為晉國太夫人
授王弟元球守太師秋七月甲辰西方慶雲見是月重
建開元宮追福于先王也九月王貢唐綿綺五百連金
花食器二千兩金稜秘色甕器二百事冬十一月唐勅
杭州護國廟改封崇德王城隍神改封順義保寧王銅
官廟改封福善通靈王湖州城隍神封阜俗安城王越
州城隍神封興德保闔王從王奏請也閩皇城使李倣
伏誅倣部兵焚啓聖門奪倣首來奔是歲王建寺于府

城外前百步起樓號曰奉恩請寺額于唐畧云襲爵數
年曾無報效受鳳池之真命降龍冊以雙封乞賜龍冊
為名用昭曠典唐主不允錫名曰千春

詔曰錢元瓘效
忠建寺比為誕

節齋僧龍冊為名未
稱勤懇宜號千春寺

又建瑞隆院于七寶山

清泰三年春正月唐遣禮部尚書李懌戶部郎中姚遐
賁奉吳越王金印至歸舊物也秋七月唐勅建先王廟
于東府是月唐授王部將保順軍節度使鮑君福檢校
太尉同平章事冬十一月契丹立石敬瑭為晉皇帝改

元天福十二年晉授王天下兵馬副元帥

淳祐時林屋洞得金簡曰

天下兵馬副元帥吳越錢王

天福二年春正月朔日有食之晉遣供奉官周彥環賜國信二月王廢其弟順化節度使同平章事元珣為庶人是月己酉夜暴雨自西北起連日至壬子有海魚二各長五十餘丈一死于桐廬一死于餘姚江三月戊午王殺其弟元球元珣許以公禮葬之麾下卒伍悉從宥不坐夏四月晉以禮部尚書程遜兵部員外郎韋稅為

加恩使進封王吳越國王仍賜天下兵馬副元帥金印
是歲程避還京溺海死通鑑繫此事于十一月戊辰今從備史甲午王即位建國一如

天寶故事

即位者即國王位也國王與王不同通鑑以即位開國在前而進爵在後亦未為允

丙

申仍赦境內今年租稅之半立子弘傳為世子以曹仲
達沈崧皮光業為丞相鎮海軍節度判官林鼎掌教令
秋七月晉削元球元珣在身官爵任便處置八月辛巳
大閱于北郊戊申新建五廟于城南九月乙卯王親視
五廟冬十月貢晉天和節大排方龍座金腰帶一御衣

十三事乙丑金陵徐誥稱大齊皇帝遣使來告即位是歲建相嚴院于國城西高麗遣使張訓來聘

天福三年春正月朔日有食之二月乙亥丞相沈崧卒冬十月丙戌貢晉謝恩金器五百兩白金一萬兩吳越異紋綾八千疋金條紗三千疋絹二萬段綿九萬兩大茶腦源茶二萬四千斤又進大排方通犀瑞象腰帶一副十一月晉遣使賫捧吳越國王玉冊及沿身法物等至冊曰唯天福三年歲次戊戌十一月甲戌朔五日戊

寅皇帝若曰王者握圖立極崇德報功或開國以建邦
或苴茅而錫壤乃樹藩屏式獎忠勲古先哲王率由斯
道惟朕薄德敢忽彛章況夫奠南服之輿區鎮東甌之
重地懋績雖高于列土殊榮未繼于肯堂得不申加意
之恩降非常之命用紀代天之業特頒鏤玉之文乃擇
吉辰爰敷盛典咨爾興邦保運崇德志道功臣天下兵
馬副元帥鎮海鎮東等軍節度浙江東西等道管內觀
察處置兼兩浙鹽鐵制置發運營田等使開府儀同三

司檢校太師守中書令杭州越州大都督府長史上柱
國吳越王食邑一萬五千戶實封一千五百戶錢元瓘
嶽靈稟粹天象儲精蘊文武之兼材受乾坤之間氣既
寵承吳越功邁桓文運妙畧以平克用奇兵而制變祇
嗣基構表率英雄淮彛之屏氣銷聲海嶠之波澄浪息
而況興我昌運竭乃忠規懋勲庸而首列韓壇奉玉帛
而誠先禹貢語尊獎則獨標大節顧封崇則未稱鴻名
宜舉徽章俾奉先正矧其天文當南斗之分地志控勾

踐之都眷茲舊封允屬全德是用異車服於羣后盛簡
冊於列藩正二國之土疆錫九天之寶瑞表予嘉命績
乃舊邦大振家聲夾輔王室今遣使太中大夫尚書右
丞上柱國賜紫金魚袋王延使副中散大夫尚書司門
郎中柱國賜紫金魚袋張守素持節備禮冊爾為吳越
國王於戲服袞衣而佩玄玉位壓於諸侯駕戎輅而握
兵符名尊於九伐馭貴之重象賢之榮爾其祇荷天光
勉清國步徃綏厥位永孚于休戒之慎之勿忝前烈十

二月大閱馬步軍泊樓艦于碧波亭是歲建淨空院于國城之北山又建昭慶律寺廣陵郡王元璟請析嘉興縣之西鄙義和鎮為崇德縣從之

天福四年春二月晉授世子弘傳為果州團練使是月齊徐誥改姓名李昇稱大唐夏四月遣左衛上將軍沈韜文如唐賀南郊秋八月戊申建世子府于城北是日白龍見處州長松縣遂更為龍泉縣是月晉勅建溫州為靜海軍節度從王請也九月又勅升婺州為武勝軍

授王兄元懿為節度使是月保大軍節度使同參相府

事陸仁章卒冬十月壬子吳越國莊睦夫人馬氏薨是

月晉遣刑部尚書李懌禮部郎中崔鈞授王天下兵馬

元帥

通鑑作八月已酉

增食邑五千戶實封五百戶仍賜御服

紅羅真珠戰袍金瑣甲各一副十一月契丹遣其臣遙

折來聘十二月辛酉葬恭穆夫人于衣錦軍慶僊鄉是

歲僧道翊得奇木于前澗斲為觀世音法身王命建天

竺道塲

釋氏紀錄云天福已亥僧道翊一夕見山間光
明往視之得奇香木命良工刻成觀世音菩薩

像白光煥發繼以晝夜乾祐戊申有僧從勲以古佛舍利置毫相中舍利時現冠頂晝放白光王常夢白衣人求葺其居寤而有感遂又建天長淨心寺于國城是時建天竺觀音看經院

晉諫議大夫段希堯來使希堯過海遭大風左右皆恐懼希堯曰吾生平不欺汝等恃吾可無恐也已而風亦止

天福五年春二月甲辰温州刺史王子弘僕卒是月王延政自立于建州閩中大亂求救于我壬戌王遣內牙統軍使仰仁詮都監使薛萬忠將兵四萬救之丞相林

鼎切諫不聽三月奏嘉興縣置秀州以嘉興海鹽華亭

崇德隸焉時又析東府剡縣十三鄉為新昌縣

新昌府屬

平九年析剡立新昌縣未審是非

已又改剡縣為瞻縣惡剡有二火一

刀之說為不祥也

順存錄言大慶觀有錢氏時郡公移稱兩都都軍糧帖檢先據瞻縣奏云

云錢氏時稱杭為西都越為東都因號兩都

壬申晉遣右諫議大夫高延賞

兵部尚書李元龜授王天下兵馬都元帥夏四月癸卯

鎮海軍行軍司馬兼侍中同平章事太尉鮑君福卒甲

子世子弘傳薨仰仁詮等兵至建州王延政以福州兵

已敗去奉牛酒請班師仁詮等不從延政懼復乞師于
閩王曦曦以兄子泉州刺史繼業為行營都統將兵救
之且移書責我別遣輕騎絕糧道會久雨我兵食盡五
月延政遣兵出擊俘斬以萬計我師敗績癸未仁詮等
遁還是月四星聚斗秋八月以世子府為瑤臺院冬十
月王貢晉謝恩金器三百兩白金八千兩金條紗五百
疋綿五萬兩十二月王以子弘佐為內牙諸闕都指揮
使是歲蘇湖秀三州大水

天福六年春三月丙寅晉遣太子賓客聶延祚吏部郎
中盧撰冊授王守尚書令夏五月漢遣攝太尉工部侍
郎盧膺尚儀謝宜清尚衣高素清來逆我故王弟傳瓚
之室馬氏以為繼室不克遣六月寧國軍節度使同參
相府事仰仁詮卒是月建甘露寺于南山
有泉一泓若甘露可啜故
名秋七月甲戌麗春院灾延于内城燬宮室府庫幾盡
王避之火輒隨發遂驚懼發狂疾遷居瑤臺院是月唐
主遣使來唁且賙其乏八月王寢疾語内都監章德安

曰弘佐尚少當擇宗人長者立之德安對曰弘佐雖少羣下服其英敏願王勿以念王曰汝善輔之吾無憂矣辛亥王薨于瑤臺院之綵雲堂年五十五在位十年晉主令所司定謚曰莊穆勅改謚曰文穆

或作忠順非

命宰相

和凝撰神道碑

碑文曰雲起龍驤化為侯王鴻鵠鳳翥鵠立鷹揚凜然勃氣綽爾雄鉅大名之

後五世其昌武肅開基奄有吳越恩洽百城名馳雙闕既委招懷復專征伐燾土苴茅秉麾仗鉞尚父棄代元帥承家傳榮襲慶奕葉重葩有典有則去甚去奢威名烜赫事望光華譚數縱橫詞泉浩渺曹植思蓮崔嵬書少月夕花朝猿巖鴈沼筆落彩牋風清綠篠神傳射訣天富兵鈴龜文月角燕頤虬髯威能伏獸名可愈疔撫

衆以忠待士持譴事必有恒政皆求理扶弱遏強先人
後已但見偃武莫聞狎水阜康蒸黎廓清邊鄙量陂素
廣德岳彌高禮延耆碩令肅權豪庭趨忠烈府集英髦
講論韜畧獎勸勲勞自靖稱藩益勤述職虔布詔命動
遵格式每陳貞翰常踰萬億表率方隅匡扶社稷功庸
罕對渥澤無倫禮優伯舅位極人臣鎔金鏤玉龜紐龍
綸永承當代莫繼芳塵禁暴戢兵取威定霸方賴控臨
忽聞薨謝雲慘長空星沉永夜號慟軍民涕泗華夏初
聞計奏尋輟視朝深嗟旦爽不及松喬倍加贈賻久罷
蕭韶君臣分至水陸程遙間際淪亡英賢繼襲擗踊悲
摧無所迨及益務撫循加之周給人情既安兵威自戢
一方肅靜三世輝榮朝宗事大誓志傾城欲光家世上
奏聖明願書貞石用顯聲名金玉令人鼓旗良帥德盛
功崇又經武緯述之莫窮言之無愧庶幾乎萬歲千秋
人見之而墮淚

七年二月癸卯葬于國城龍山之南原八年四

月丁卯

二十日

立碑石于隧道王志量恢廓識度宏遠雖

少嬰軍旅尤尚儒學事武肅王孝敬小心未常有懈武肅王性嚴急每召輒須時至王乃製闊袴大鞬以便之晚年政事一委叅決簿書填積皆躬親批署手為胼胝復效武肅王故事置粉盤于榻首夜有所憶即書其上詰朝以備顧問時屬重盜賊及詐偽誹謗法犯者必死王皆力救獲宥者甚衆嘗北征師次平望蚊蚋尤甚左右請施帷帳王曰三軍皆在此我獨何避竟不許寶正

中武肅王將選諸子為嗣王兄中吳軍節度使傳瑯弟
清海軍節度使傳璿寧國軍節度使傳璟等皆言王功
德高茂是宜委副故遂以兩鎮相屬及武肅王寢疾一
日出玉帶五賜王兄弟命王先擇之王乃取其狹小者
武肅王大悅曰吾有汝瞑目無恨矣繼嗣之後更示以
明恕人情翕然凡中外封章相構者積而毀之悉置不
問王舅陳氏厯職不過戍追每加厚賜而未嘗遷授恭
穆夫人之弟馬充常以使役求免王廷責之遂下獄尋

黜于剡溪其恪遵治命保慎名器足守一代之霸業焉

論曰錢氏五王惟武肅有改元事而廟號則史所不載

間讀余公綽閩王事跡云永隆三年吳越世宗文穆王

薨林仁志王氏啟運圖云永隆二年吳越世皇崩子成

宗嗣雖二人所紀年歲不同至廟號稱宗則二書脗合

似非竟無可據者今兩浙民間猶謂武肅王為錢太祖

豈當日果實稱宗而其後漸諱之邪當闕疑以附夏五

郭公之例

按武肅王後齊并記自東都上直官西都上直官等文是明以西府東府為兩都已又王

順伯家藏吳越忠懿王一判語其狀云臣贊寧右臣伏
奉宣旨撰文疏今進呈乞給下取設齋日五更前上塔
臣自宣却欲重進乞於仁政殿前夜化却不然便取聖
旨云云此進呈聖旨諸語亦與天子畧同由是以推則
吳越雖無稱帝之事而當日臣下尊之者詞多闕亦
未必盡無也○又建炎以來朝野雜記云羣臣欲稱光
堯廟號成宗者尤表曰此吳越錢元瓘偽號
也是又以成宗為文穆廟號已不知何据

十國春秋卷七十九

欽定四庫全書薈要卷八千六百四十六

史部

十國春秋卷八十

檢討吳任臣撰

吳越四

忠獻王世家

忠獻王名弘佐

五代史宋史作佐表忠觀碑作仁佐

字元祐文穆王第六

子母許氏以寶正三年七月二十六日巳巳生弘佐于

功臣堂初孝獻世子居監撫文穆王治其府于城北將
俾居之一日世子與弘佐戲采於青史樓遽謂弘佐曰

君王方為我營府署願與若博之比四擲而弘佐得六
赤世子失色弘佐從容曰五哥入府弘佐當將符印之
命因再拜世子竟不懌投骰盤于樓下而去俄而世子
不祿弘佐授鎮海鎮東節度副使檢校太傅先是內牙
指揮使戴惲為文穆王所親任文穆王養子弘侑者其
乳母故惲婦黨戚也文穆王既薨或告惲謀立弘侑章
德安秘不發喪與諸將伏甲士幕下明日惲入府執而
殺之廢弘侑為庶人復其姓孫氏幽之明州蓋天福六

年秋八月壬子日也是日將吏奉文穆王遺命承制以

弘佐為鎮海鎮東兩軍節度使時年十有四歲

歐陽史云年十

三今從通鑑

九月庚申弘佐即王位于僊居堂赦境內班賚

有差命丞相曹仲達攝政事軍中或言賜與不均舉仗
不受仲達親諭之乃解辛未王遷于思政堂命境內給
復一年諸關梁禁制悉從除減又命田園有隸道宮佛
寺比入賦稅者悉免之冬十月長星見十一月唐遣使
祭我先王晉授王起復鎮國大將軍右金吾衛上將軍

員外置同正員領鎮海鎮東等軍節度檢校太師兼中書令吳越國王食邑一萬戶實封一千戶仍賜保邦宣化忠正功臣王命刑部侍郎楊巖如唐賀仁壽節是時凡官名左者悉改為上避王諱也

天福七年春正月閩人來祭我先王二月癸卯晉勅葬先王于龍山之南原三月晉遣太中大夫李鶚來歸先王之賵乙丑中吳建武等軍節度使廣陵郡王王世父元瑒薨子文奉嗣壬申晉加王食邑七千戶仍改賜保

邦宣化忠正翊戴功臣秋七月王以內牙指揮使章德

安李文慶為內牙上右都監使

按冊府元龜是月晉詔改州縣名與高祖諱相

犯者杭州錢塘縣為錢江縣唐山縣為橫山縣台州唐興縣為台興縣然吳越備史載開平二年改唐山為吳昌唐興為天台順存錄又言龍德二年割錢塘鹽官之半為錢江縣與此不同有說見地理表冬十月

以都指揮使闕瑠

備史作瑠今從通鑑

胡進思為內牙上右統軍

使十一月王遣使貢晉鍐銀五千兩絹五千疋絲一萬

兩謝封國王恩又進細甲弓弩箭扇子等物又貢蘇木

二萬斤乾薑三萬斤茶二萬五千斤及秘色甌器鞵履

細酒糟薑細紙等物十二月命右武衛大將軍蔣璠使于唐已巳以龍山武功堂為文穆王廟是時晉太常卿龍敏來聘長揖不拜

天福八年春正月癸未重建功臣堂二月丙辰丞相皮光業卒秋七月乙巳貶內牙都監使章德安于處州李文慶于睦州王初立優待諸將上統軍使闕璠與胡進思用事璠彊戾排斥異已德安數與之爭文慶不附于璠故有是譴冬十月晉遣使授王吳越國王王冊冊曰

惟天福八年歲次癸卯十月丙午朔六日辛亥皇帝若
曰在天成象拱辰分將相之星惟帝念功啟土列侯王
之國朕所以法昊穹而光宅稽典禮以疏封而况世著
大勲時推令器探寶符而嗣位杖金鉞以宣威羽翼大
朝藩籬東夏宜列諸侯之上特隆一字之封簡自朕心
叶于輿論咨爾保邦宣化忠正翊戴功臣起復鎮國大
將軍右金吾衛上將軍員外置同正員檢校太師兼中
書令杭州越州大都督充鎮海鎮東等軍節度浙江東

西等道管內觀察處置兼兩浙鹽鐵制置發運營田等
使上柱國吳越國王食邑一萬七千戶實封四千戶錢
宏佐為時之瑞命世而生負經文緯武之才蘊開物成
務之志英華發外精義入神亞夫繼社稷之勲顧榮擅
東南之美眷言祖考志奉國朝清吳越之土疆執桓文
之弓矢天資厥德代有其人荷基構以克家事梯航而
述職殊庸斯在信史有光是舉彛章爰行盛典土茅符
節方推異世之賢轍冕輅車更重策勲之禮斯為異數

允屬真王今遣光祿大夫檢校司徒行太子賓客上柱
國太原縣開國男食邑三百戶王玫使副正議大夫行
尚書吏部郎中柱國賜紫金魚袋趙熙等持節備禮冊
爾為吳越國王於戲周寵元臣四履錫命漢封異姓八
國始王指河岳以誓功俾子孫而襲爵爾纂服舊業朕
考前文勿忘必復之言更廣無窮之祚懋昭前烈爾惟
欽哉十一月辛巳王駕遷于功臣堂癸未丞相曹仲達
卒戊闕納元妃仰氏是歲建報國千佛院又賜晉郭文

祠額曰碧沼寺是時浙地兒童聚戲動以趙字為語助

云得則曰趙得云可則曰趙可

晉末趙延壽貴盛浙人謂必應識後延壽為契

丹所執而謠益盛洎宋祖受

禪忠懿王納土始符其兆

開運元年春正月壬寅丞相林鼎卒三月晉勅授王落

起復增邑三千戶實封一千戶夏四月丙午王親祀五

廟秋七月辛未朔晉少主

闕

元開運九月朔日有食之

南船務石井有物形如守宮尾長七尺許鬣且角獲之

置于安溪潭冬十一月王命從兄東府安撫使仁俊為

內外馬步都統軍使弟弘保為東府安撫使是歲捨瑞
萼內園建龍華寶乘院仍造傳大士塔又建寶相寺華
藏院于國城

開運二年春三月丙午王從祖順化軍節度使鐸卒秋
七月脩武肅王廟于城西奉旃檀神象而致焉八月朔
日有食之冬十月晉遣太子賓客羅周岳右庶子王延
濟冊王守太尉十一月朔王大閱于北郊乙卯誅內牙
都監使杜昭達己未誅內牙上統軍使明州刺史闕瑤

庶人孫本賜死貶都統使王兄仁俊東府安置先是昭達與璠皆好貨錢塘富人程昭悅以金寶結二人得侍左右昭悅為人狡佞愛特踰于舊將璠不能平昭悅知其意詣璠叩首謝璠不為意昭悅欲出璠於外私謂胡進思曰今欲除公及璠各為本州使可乎進思許之乃以璠為明州刺史進思為湖州刺史璠怒曰出我于外是棄我也進思曰老兵得大州幸矣何為不行乃受命既而復以他故留進思統軍使因誣璠昭達奉仁俊作

亂下獄鍛鍊成之因有是處分昭悅治闕杜之黨凡意
所忌者誅放百餘人國人皆側目獨進思重厚寡言昭
悅以為戇獲免是歲建鷲峯禪院于國城之北山

延伏虎光

禪師
居之

開運三年春二月日有食之三月晉授王東南面兵馬
都元帥增食邑二千戶實封五百戶仍改賜推誠匡運
忠亮威德功臣秋七月庚寅吳越國夫人許氏薨八月
重建天寵堂壬申葬仁惠夫人于國城西山之原冬十

月閏大亂李弘達更名達遣客將徐仁宴李廷諤等奉表稱臣乞師于我王召諸將計事諸將皆不欲行惟內牙都監使水丘昭券以為當救王曰脣亡齒寒春秋明義吾為天下元帥曾不能恤鄰難將安用之諸將躍馬食肉獨不肯以身先我乎有異議者斬命昭券專掌用兵內都監使程昭悅掌應援餽運而以軍謀委丞相元德昭壬午遣統軍使張筠趙承泰將兵三萬水陸救福州是行也宿衛武肅王廟庭者聞甲馬聲凡數夕而止

後接戰時唐人視我師徧郊野人皆丈餘蓋靈助也是月獻晉謝恩白金五千兩綾五千疋腦源茶三萬四千斤筭箭一萬莖蘇木乳香他物稱是又進啟聖節金大排方坐龍腰帶一條御衣一襲十六事十一月己酉我兵至福州自留浦南潛入州城唐兵進據東武門李達與我兵共禦之不利自是內外斷絕城中益危十二月王命弟弘僊為湖州刺史是歲議鑄鐵錢王弟牙內都虞候弘億上疏以為不可從之建寶勝院于北山開運

四年春正月契丹主入東京稱會同十年肆赦天下廢

晉少主為負義侯遷于黃龍府二月庚午有雉集于玉

華樓辛未晉劉知遠稱帝於河東仍稱天福十二年

吳越

是時用會同年號

是月王命內牙指揮使諸溫伺內都監使程

昭悅歸第執送東府己卯誅昭悅釋王兄仁俊之囚以

昭悅多聚賓客蓄兵器與術士遊也三月庚寅命王弟

弘俶出鎮台州戊戌王遣將余安自海道救福州己亥

兵至白蝦浦海岸泥淖方布竹簣以行唐軍聚射之簣

不得施唐監軍馮延魯曰相持不戰徒老我師不若縱其登岸盡殲之則城不攻自降矣裨將孟堅曰登岸則浙兵致力于我鋒不可當安能盡殲乎延魯不聽我兵既登岸大呼奮擊延魯不能禦棄衆而走堅戰死我師乘勝而進城中出兵夾擊大破唐兵鹵其將都指揮使楊匡業蔡遇等獲器械數十萬安遂引兵入福州李達舉所部授之歸附于我先有謠曰風吹楊葉鼓山下不得錢郎戈不罷至是果驗丙午張筠余安班師王遣東

南面安撫使鮑脩讓將兵戍福州以弟東府安撫使弘
侗為丞相夏四月李達遣弟通來請入覲從之五月我
師凱旋王饗將帥于光冊堂賞賚有差是月晉授王諸
道兵馬都元帥開府儀同三司尚書令增食邑五千戶
實封五百戶仍改賜資忠緯武恭懿翊戴功臣六月乙
卯王薨于咸寧院之西堂年二十在位七年遺令以弟
丞相弘侗為鎮東軍節度使兼侍中

按錢塘大慈山甘露院牒稱會同十

年七月有吳越國王押字及鎮東軍節度使印文蓋是
時吳越與契丹信使不絕故吳越奉其正朔在諸州鎮

之尤其改而從漢則在八月受漢制之後也又忠獻王
堯止以鎮東節度使授宏侖至八月漢始制授弘侖鎮
海鎮東節度使即牒文可證備史云遺是月晉主知遠
令以弘侖為鎮海鎮東節度使者誤也

改國號曰漢秋八月勅謚王曰忠獻

表忠觀碑作忠顯

令太常

卿張昭撰神道碑文葬于龍山之西南原王英明果斷
權變不測初嗣位尚少溫柔好禮恭勤政務發摘姦伏
人不敢欺諸校驕恣者多優容之及被譴皆不知覺兵
籍使錢承德家火俯邇內城命親軍援之王登而望有
伺便攘竊者亟命斬之衆因悉力火遂滅開運中將益

車徒下令募軍中及民間子弟踰時無至者乃命大糾之令曰糾而得之者糧賜皆蠲半翌日投書雨集遂加精訓南方之捷多其力也民有獻嘉禾者王問倉吏蓄積幾何對曰十年王曰然則軍食足矣可以寬吾民命復其境內租稅三年

忠遜王世家

忠遜王名弘侑字隆道文穆王第七子孝獻世子同母弟也誕生之夕文穆王夢人以黃金一篋獻者因字之

曰萬金襁入府中時武肅王方病目摩其頂曰眼大小
左右曰眼小武肅王默然起家內牙指揮使檢校司空
開運元年冬十一月出為東府安撫使累授檢校太尉
尋拜丞相天福十二年六月丙寅即王位于天冊堂猶
稱會同十年秋七月王召弟台州刺史弘倣同參相府
事庚子有雉升于天冊堂之戟門旋厯廊廡久而獲之
閩帥李達來覲以其弟通為福州留後王承制加達兼
侍中更其名曰孺貲賜達弟名曰孺賓閏月李孺貲以

金匱雜寶賂統軍使胡進思求歸進思為請王命孺贊
復任福州親餞于碧波亭八月葵忠獻王于國城西原
是月漢以王為東南兵馬都元帥鎮海鎮東節度使兼
中書令吳越王遂遵漢主正朔冬十月王弟弘俶至自
台州十一月王大閱水兵于碧波亭統軍使胡進思諫
以頒賞太厚王怒擲筆水中進思大愬十二月威武軍
節度使李孺贊復貳于我東南面安撫使鮑脩讓攻孺
贊戮之族其家已酉傳首國城王命丞相吳程知福州

威武軍事庚戌

家王故事云晉開運四年十二月晦也

內牙統軍使胡進

思同指揮使諸溫糾滔等作亂自忠獻王時諸校驕慢雖旋加誅殛而在位者皆遇以寬大及王繼嗣性既嚴急誅抗越侮法吏三人而進思恃迎立功干預政事王惡之每有僭踰多所裁抑進思頗不自安已而王欲授進思一州進思不可會李孺贇叛王以進思建議遣之歸更加責讓進思益憤恨屬內牙指揮使何承訓希旨請逐之復密謀于都監使水丘昭券王方猶豫未決承

訓懼事露反洩謀于進思時王府夜宴將吏進思疑為圖已遂統內牙親兵戎服入見王叱之不退猝愕入義和院進思鎖其門矯稱王命告中外曰驟得風疾傳位于弟同參相府事弘俶因帥諸將士迎弘俶于私第而立焉且言于丞相元德昭德昭至立簾下不拜曰俟見新君進思亟出褰簾德昭始下拜進思稱王命承制授弘俶鎮海鎮東節度使兼侍中弘俶曰能全吾兄乃敢承命不然當避賢路進思許之方視事進思遂殺昭券

及進侍鹿光鉉光鉉王之舅也明年遷王于衣錦軍進
思日請害王忠懿王為譬說百端且疑進思有他變乃
遣都頭薛溫護王戒曰若有非常處分當以死拒未幾
進思遣方安等圖王溫悉斃之于庭廣順中徙王東府
忠懿王命東府以官物充王取給西寢之後即卧龍山
為王置園亭于上栽植花木周遍高下遇良辰美景王
被道士服擁伎樂旦暮登賞每元夜張燈徧于山谷用
油數千斤七夕結綵樓於山顛諸節時費用稱是王常

于山亭擊鼓聲達于外守衛者遽聞忠懿王忠懿王曰
吾兄以閒適為懷非鼓樂不歡乃命裝金魚水鼓四面
奉之王能為詩亭榭之上紀錄皆滿居二十年始薨

王家

故事云廢王開寶中以疾終宋史云錢儵疾殂東府關

以王禮葬會稽秦望

山之原

紹興府志忠遜王墓在昌源

謚曰忠遜或曰讓王年四十四

子四人初王將即位近侍陳禹夢以金鈔鑼承日輪加
王之頂而手持二鐶頃之墜地既而以夢語人人曰汝
主將有非常之事然其二鐶不過二旬之事耳及即位

又以黃金一鎰命近侍表文昌鑄巨錢文昌意其求識
且懼不就乃宿謀于冶匠別鑄一以為備翼日以所授
金鑄之王臨視果不就因潛以宿鑄者獻至是皆符其

兆

大中祥符六年六月宋真宗贈讓王為尚書令誥曰朕以茂對景靈誕敷明命乃眷育材之地首推錫類

之恩特示寵章用旌元烈咨爾直棊賢院上都騎錢易父太保中書令吳越國王錢俶早襲王爵克成世功大庇吳越之民寔隆軒冕之緒稟剛正之資不媿於前人隆友讓之風自致於多福遺芳景行踵厥後昆允彰燕翼之謀宜錫褒崇之命納言華秩位冠天臺賁諸山原永耀門閥可贈尚書令天聖三年六月宋仁宗贈讓王
敕曰朕昨者虔陟嘉壇恭承大祀協翼風而施令法解雨以推恩眷惟綸掖之近僚式沛漏泉之新命矧於勲

烈宜爾褒崇中大夫上柱國彭城郡開國侯錢易父故
檢校太師兼中書令吳越國王錢俶位襲真王功昭冊
府明敏嚴毅國史具書人臣極隆天爵自奉襲齊桓之
業挺忠孝以無遺振奉伯之風敦揖讓而斯在果鍾佳
嗣為我祠臣得之本心克濟其善雖風樹之感常切於
疚懷而密對之封是膺於異渥總師綿宇茲乃世官舉
而贈之尚冀歆奉可持贈天下兵
馬都元帥仍封讓王餘贈如故

論曰吳越甘露院牒之稱會同十年也在天福十二年
七月曷以不稱開運與天福也蓋前此吳越與契丹通
使不一而足至是既布詔州鎮矣而漢使未至寧有不
奉其正朔者間讀福州雙石祠記有云會同十年以閩

府承平復封為安境侯時福州新附吳越故亦稱會同也所疑者契丹以是年二月改元大同已故遼史會同無十年而吳越猶紀十年者何蓋契丹降赦則稱會同而改元則曰大同改元之後不三月而德光卒故大同之號不行於南土則吳越之稱會同于丁未七月也又奚疑焉

十國春秋卷八十